



МОНГОЛ УЛС
ХӨВСГӨЛ АЙМГИЙН ЗАСАГ ДАРГЫН
ЗАХИРАМЖ

2023 оны 09 сарын 14 өдөр

Дугаар А/475

Мөрөн сум

Цэрэг татлагын товчоо байгуулах,
урьдчилсан үзлэг явуулах тухай

Монгол Улсын Засаг захиргаа, нутаг дэвсгэрийн нэгж, түүний удирдлагын тухай хуулийн 60 дугаар зүйлийн 60.1.1, 60.1.5, 66 дугаар зүйлийн 66.1, Цэргийн албаны тухай хуулийн 12 дугаар зүйлийн 12.4, 13 дугаар зүйлийн 13.1, 13.2, 13.6, Захиргааны ерөнхий хуулийн 40 дүгээр зүйлийн 40.2, Төсвийн тухай хуулийн 14 дүгээр зүйлийн 14.2.3, 41 дүгээр зүйлийн 41.2.2, 41.2.3, Засгийн газрын 2017 оны 144, 2018 оны 80 дугаар тогтоол, Сангийн сайдын 2021 оны 61 дүгээр тушаалаар батлагдсан "Засаг даргын нөөц хөрөнгө захиран зарцуулах журам"-ын 2.1.1, 2.1.6, 4.1 дэх заалт, аймгийн иргэдийн Төлөөлөгчдийн Хурлын 2022 оны ээлжит ХҮИ хуралдааны 08 дугаар тогтоол, аймгийн Засаг даргын зөвлөлийн 2023 оны 09 дүгээр сарын 13-ны өдрийн XVIII дугаар хуралдааны шийдвэрийг тус тус үндэслэн ЗАХИРАМЖЛАХ нь:

1. Аймгийн хэмжээнд цэргийн жинхэнэ алба хааж халагдсан бэлтгэл байлдагч, түрүүч нарыг хүлээн авах, цэргийн жинхэнэ албанд иргэдийг татах, цэргийн дүйцүүлэх албанд авах ажлыг 2023 оны 10 дугаар сарын 04-ний өдрөөс эхлэн мөн оны 11 дүгээр сарын 10-ны өдрийн хооронд зохион байгуулж явуулсугай.

2. Цэрэг татлагын товчоог дараах бүрэлдэхүүнтэйгээр томилсугай. Үүнд:

Товчооны дарга: Э.Улам-Өсөх (Аймгийн Засаг даргын Тамгын газрын даргын албан үүргийг түр орлон гүйцэтгэгч)

Орлогч дарга: Хурандаа С.Батхуяг (Аймгийн Засаг даргын Тамгын газрын Цэргийн штабын дарга)

Нарийн бичгийн дарга: Дэд хурандаа Ү.Батбаяр (Аймгийн Засаг даргын Тамгын газрын Цэргийн штабын Тоо бүртгэлийн ахлах офицер)

Гишүүдэд:

Ш.Дамдиндорж (Аймгийн Засаг даргын Тамгын газрын Хууль, эрх зүйн хэлтсийн даргын албан үүргийг орлон гүйцэтгэгч)

Б.Батбилгүүн (Аймгийн Засаг даргын Тамгын газрын Нийгмийн бодлогын хэлтсийн дарга)

А.Алтанцоож Цагдаагийн хурандаа (Аймгийн Цагдаагийн газрын дарга)

Д.Түвшинбаяр (Аймгийн Эрүүл мэндийн газрын дарга)

Г.Оюунжаргал (Аймгийн Нэгдсэн эмнэлгийн дарга)

Л.Юмжирдулам (Нийгмийн даатгалын хэлтсийн дарга)

Дэд хурандаа Т.Анхбаяр (Аймгийн Засаг даргын Тамгын газрын Цэргийн штабын Орон нутгийн хамгаалалтын бэлтгэл, сургалтын офицер)

6711011012

3. 2023 оны цэрэг татлагын эмнэлгийн урьдчилсан үзлэг явуулах хуваарийг нэгдүгээр, шаардагдах зардлын тооцоог хоёрдугаар хавсралтаар тус тус баталсугай.

4. Цэрэг татлагын товчооны ажил үүргийн хуваарийг дор дурдсанаар тогтоож гишүүдэд үүрэг болгосугай.

а/ Цэрэг татлагын үйл ажиллагаатай холбоотой хууль эрх зүйн баримт, тухайн ажлын онцлогийн талаар зааварчилгаа өгч, бусад зохион байгуулалтын арга хэмжээ авч ажиллахыг Засаг даргын Тамгын газрын Хууль, эрх зүйн хэлтсийн дарга (Ш.Дамдиндорж)-д

б/ Монгол Улсын Засгийн газрын 2017 оны 144 дүгээр тогтоолоор батлагдсан "Иргэнийг цэргийн жинхэнэ албанд эрүүл мэндээр тэнцүүлэх болон цэргийн албан хаагчийн эрүүл мэндийн байдлыг тодорхойлох журам"-ыг удирдлага болгон эмнэлгийн урьдчилсан үзлэгийг зохион байгуулж Зэвсэгт хүчний Жанжин штабаас өгсөн тоон даалгаврыг биелүүлэхийг аймгийн Цэрэг татлагын товчооны орлогч дарга, (хурандаа С.Батхуяг), Нэгдсэн эмнэлгийн дарга (Г.Оюунжаргал) нарт;

в/ Эмнэлгийн үзлэг явуулах эмч нарын бүрэлдэхүүнийг мэргэжлийн дагуу томилон ажиллуулахыг Эрүүл мэндийн газрын дарга (Д.Түвшинбаяр)-д;

г/ Бэлтгэлээр халагдаж ирсэн цэргийн үүрэгтнүүдийг бүртгэж ажлын байрны мэдээллээр хангаж, төрөл бүрийн сургалтад хамруулах арга хэмжээ авч ажиллахыг Засаг даргын Тамгын газрын Нийгмийн бодлогын хэлтсийн дарга (Б.Батбилгүүн), Цэргийн штабын орон нутаг хамгаалалт, сургалтын офицер (хошууч Т.Анхбаяр) нарт ;

д/ Цэрэг халалт таталтын арга хэмжээний үед хэв журам сахиулах ажлыг ханган ажиллахыг Аймгийн Цагдаагийн газрын дарга, (Цагдаагийн хурандаа А.Алтанцоож)-д;

е/ Цэргийн жинхэнэ албаны татлагаар зарлан дуудах мэдэгдэл авсан иргэн тогтоосон өдөр, цагт цэрэг татлагын байр,товлосон газар ирээгүй бол хуульд заасан хариуцлага оногдуулж ажиллахыг Цэргийн штабын дарга (хурандаа С.Батхуяг)-д;

5. Цэргийн албанд татагдагчдын эрүүл мэндийн урьдчилсан болон давтан үзлэг, цэрэг халалт, татлагыг ямар нэгэн зөрчил дутагдалгүй зохион байгуулахыг Цэрэг татлагын товчооны дарга (Э.Улам-Өсөх)-д даалгасугай.

6. Цэрэг халалт, таталт, эмнэлгийн үзлэг явуулахад шаардагдах зардалд 15.000.000 (Арван таван сая) төгрөгийг 2023 оны цэрэг татлагын зардлаас, 11.337.559 (Арван нэгэн сая гурван зуун гучин долоон мянга таван зуун тавин есөн) төгрөгийг Засаг даргын нөөц хөрөнгөнөөс тус тус гаргахыг аймгийн Засаг даргын Тамгын газар (Э.Улам-Өсөх)-д зөвшөөрсүгэй.

7. Энэ захирамжийг оролцогчид мэдэгдсэнээс хойш 30 хоногийн дотор эрх бүхий этгээдэд гомдол гаргах эрхтэй болохыг дурдсугай.

ДАРГА

П.ЛХАГВАЖАВ

